



GEREJA KRISTUS LIKAS

Mengenal dan Memperkenalkan Kristus

Bisyp: Bisyp Datuk Melter Jiki Tais

Rektor: Archdekan Moses Chin



Hubung

P.O. Box 18510, Pejabat Pos Besar Kota Kinabalu,
88670 Kota Kinabalu, Sabah

Pejabat: 088-426312, 213220 | Mudah alih: 019-6611558

<http://christchurchlikas.org/> | cclikas@gmail.com

Trinit 17 - 22 September 2024

Doa Hari Ini

Allah Mahakuasa, Engkau mencipta kami untuk diri-Mu sendiri, dan hati kami gelisah sebelum mendapat istirahat di dalam-Mu. Ajarlah kami untuk menawarkan diri kami kepada pelayanan-Mu, supaya di dunia ini kami beroleh damai sejahtera-Mu dan kemudian di dunia yang akan datang kami akan bertemu dengan Engkau, melalui Yesus Kristus Tuhan kami. Amin.

Injil - Markus 9:30-37

Pembacaan Berbalas-balas -
Yakobus 1:19-25

melihat ke sebuah cermin dan langsung melupakan - Yakobus 1:24

Pernakah anda mendengar Firman Tuhan dan melupakannya?

Kebaktian BM disiarkan **secara langsung, 11:30 pagi.**:

- YouTube: [https://www.youtube.com/](https://www.youtube.com/@christchurchlikas/streams)

[@christchurchlikas/streams](https://www.youtube.com/@christchurchlikas/streams)

Selamat datang ke dalam perkumpulan umat Tuhan.
Kita bersama-sama beribadah kepada Tuhan Yesus yang telah pun bangkit, dan mendorong satu sama lain untuk mentaati-Nya.

1. SELAMAT BERGABUNG DALAM KELUARGA KRISTIAN

Kita menyambut Kelly Mai PeiPei dan Nicole Wong Xuan ke dalam keluarga gereja sempena pembaptisan mereka pada hari ini, di Kebaktian BC.

2. TERIMA KASIH BANYAK ATAS DOANYA

Semua konferensi diosis telah berjalan dengan jayanya. Terima kasih atas doa anda dan sokongan praktikal yang kuat. Semua yang terlibat telah mendapat banyak manfaat daripada Konferensi Doa BC & BI, Konferensi Pemimpin BM dan Konferensi Muda-mudi BM. Masih banyak kerja yang perlu dilakukan.

Kami amat berterima kasih kepada staf gereja kita yang telah bekerja keras sepanjang tempoh tersebut. Esok, 23 Sep, akan menjadi 'cuti ganti' untuk mereka. Pejabat dibuka semula pada Rabu, 25 Sep.



3. 'LATIH IMAN KITA'

Apakah keagamaan yang benar? Bagaimanakah kita mengamalkan iman kita? Kita teruskan siri khutbah dari Kitab Yakobus. Kitab yang singkat ini penuh dengan nasihat kepada para pengikut Yesus untuk mengamalkan iman kepercayaan mereka.

"Menjadi pelaku firman, dan bukan hanya pendengar saja, sebab jika tidak demikian kamu menipu diri sendiri" - 1:22. Topik untuk beberapa minggu akan datang:

- hari ini, 22 Sep 'Begiatlah' - Yakobus 1:19-25
- 29 Sep 'Bersikaplah Adil' - Yakobus 2:1-13
- 6 Okt: 'Berpraktikallah' - Yakobus 2:14-26
- 13 Okt: 'Berilah galakan' - Yakobus 3:1-18

Mulakan membaca Kitab Yakobus; dan nikmatilah mendengar suara Tuhan.



4. REKTOR BERCUTI


Rektor kita akan bercuti sebelum bersara. Berikut adalah perancangannya:

- 22 Sep-7 Okt - sertai MV Doulos-Hope untuk melayani di Puerto Princesa, Palawan, Filipina.
- Okt - cuti sabatikal; bercadang untuk berada di Sabah
- Nov - cuti sabatikal; merancang untuk melancong ke luar negara
- 8 Dis - tarikh persaraan rasmi

Semasa ketiadaannya, Rev. Samuel, Ps. Margaret dan PCC akan mengambil alih kepimpinan pastoral dan pentadbiran gereja. Sila rujuk kepada mereka. Berdoa untuk Rektor kita, dan Lorraine, agar mereka disegarkan dan diperbaharui untuk tugas seterusnya.

5. KONFERENSI-KONFERENSI DIOSIS

- 30 Sep-2 Okt, Kudat - **Konferensi Belia BM**. 16 belia kita telah mendaftar. Pendaftaran masih dibuka.
- 30 Okt-1 Nov, Katedral All Saints - **Konferensi Pemimpin BC & BI**. Menyeru semua paderi, pastor, pemimpin awam dan pemimpin pelayanan lain, untuk diperlengkapkan lagi demi untuk melayani dalam pelbagai pelayanan. Bisyop Stephen Soh, Diosis Malaysia Barat, adalah fasilitator utama.
- 30-31 Okt, Christ Church Likas - **Konferensi Pendidikan**. Menyeru semua guru, pendidik, ahli lembaga sekolah, dan paderi kita untuk datang dan mendapatkan inspirasi untuk menjadi 'misionari' kepada generasi pelajar yang akan datang. Nota keterangan ada dipaparkan pada papan informasi.



6. SEKOLAH ST. AGNES MERAYAKAN 110

Sungguh suatu pencapaian penting!! Memanggil semua alumni dan orang ramai bersama-sama memeriahkan majlis makan malam kesyukuran, pada 19 Okt. Kupon makan malam tersedia di Meja Pelayanan Jemaat.



7. TAKZIAH

Salam takziah kepada keluarga Raymond Yapp Shin Fui, 59; yang telah meninggal dunia pada hari Selasa lepas, 17 Sep. Doakan buat keluarga yang ditinggalkan, termasuklah Elisa Yap.

8. PELAYANAN-PELAYANAN YANG LAIN

- **Tadika ASAA** dibuka untuk pendaftaran bagi kanak-kanak berumur 4-5 tahun pada tahun 2025. Butiran di papan informasi.
- **Gubahan bunga** untuk hari ini disumbangkan oleh Albertin dan keluarga.

9. PROJEK LABUR - terima-kasih!!

Terkini: RM123,035/- Minggu lepas: RM555/- Masih diperlukan: RM476,965/

UNTUK PEMBERIAN DALAM TALIAN
RHB Bank | 2-10103-0001913-1
Christ Church Likas

Boost: <https://myboost.app.link/FPvG94VIT4>



Latih Iman Kita - Yakobus 1:19-25

Bergiatlah

Bergiatlah - Yak 1:22

Tetapi hendaklah kamu menjadi pelaku firman dan bukan hanya pendengar saja; sebab jika tidak demikian kamu menipu diri sendiri.

Sebuah Benih - Yak 1:19-21

setiap orang hendaklah cepat untuk mendengar, tetapi lambat untuk berkata-kata, dan juga lambat untuk marah; sebab amarah manusia tidak mengerjakan kebenaran di hadapan Allah.

.. dan terimalah dengan lemah lembut firman yang tertanam di dalam hatimu, yang berkuasa menyelamatkan jiwamu

Sebuah Cermin - Yak 1:23-24

Sebab jika seorang hanya mendengar firman saja dan tidak melakukannya, ia adalah seumpama seorang yang sedang mengamati mukanya yang sebenarnya di depan cermin. Baru saja ia memandang dirinya, ia sudah pergi atau ia segera lupa bagaimana rupanya.

Yak 1:25

Tetapi barangsiapa meneliti hukum yang sempurna, yaitu hukum yang memerdekakan orang, dan ia bertekun di dalamnya, jadi bukan hanya mendengar untuk melupakannya, tetapi sungguh-sungguh melakukannya, ia akan berbahagia oleh perbuatannya

Sebuah Pengorbanan - Yak 1:27

Ibadah yang murni dan yang tak bercacat di hadapan Allah, Bapa kita, ialah mengunjungi yatim piatu dan janda-janda dalam kesusahan mereka, dan menjaga supaya dirinya sendiri tidak dicemarkan oleh dunia.

UNTUK DIDOAKAN

Diosis kita yang tercinta

- berdoa untuk mereka yang terjejas akibat bencana kebakaran, angin ribut dan banjir baru-baru ini

[untuk kemurahan hati dan tangan yang siap untuk membantu dan melayani antara satu sama lain]

Keluarga Gereja kita yang dikasihi

- berdoa untuk Rektor kita dan isterinya, Lorraine

[semoga mereka dapat melakukan perjalanan dengan selamat; dan dapat disegarkan dengan istirahat]

Diri kita sendiri

- berdoa agar kita menjadi 'pelaku firman'

[untuk lebih banyak peluang agar dapat melayani dengan cara yang praktikal]

- berdoa untuk mereka yang dalam keperluan khusus, baik minda atau rohani; dan untuk 5 sahabat kita. Namakan mereka dalam doa anda.